

腫消渴口齒疔蝕虫瘡灸之佳每灸七壯至七
七壯止灸則血脉宣通其風應時而愈艾炷如
小竹筋頭大不可灸破血肉但令當脉灸亦能
愈疾

樺皮散 治肺臟風毒遍身瘡疥及癩疹癢痒

杏仁

泡去皮尖水一碗煮至五分取出晒乾另研末

荆芥穗 各二兩

枳殼

去穰炭火燒存性

樺皮

燒存性各四兩

炙甘草

五錢

右五味為末每服二錢食後温酒調下日進三次

凌霄散 治癘風神効

蟬退

地龍

去土焙

白僵蚕

全蝎

各七箇

凌霄花

五錢

右為末每服二錢酒調下無時常

宜浴每浴坐於湯中浸一時久服藥神効

四聖保命丹

大黃

五錢

黃栢

八兩

苦參

荆芥

各四兩

乾蟾

一雙

瓜蒌根

防風

各五錢

輕粉

二錢

右為末每服一錢茶清一盞調下空心日午臨
卧各一服服五七日後先於牙縫內出臭黃涎
渾身疼痛次後便利膿血病根悉去

加減何首烏散 治紫白癩風筋骨疼痛四肢少力眼紅無白鼻梁崩壞皮膚瘡疥及手足皴裂睡卧不安行步艱辛

何首烏 蔓荊子 石菖蒲 荊芥穗

甘菊花 枸杞子 葳靈仙 苦參各五錢

右為末每服三錢蜜茶調下無時

參毛丸 治大麻風

苦參一斤 鷲毛半斤 煨 為末陳米糊為丸梧

桐子大每服五十九丸酒送下一日二次

仙方鯪鯉散 此方治大麻風極妙絕勝他方寶

穿山甲活者大約重十觔為妙剖開肚不去腸

雜以真生漆一觔塗在肚內陰乾七日用坭

包火煨存性研極細末每服三分或五分火

酒調下用真青布被上下蓋之出汗臭不可

聞不得見風待汗乾被上俱是小虫服十日

眉毛復出身上膿水瘡皆愈一月即脫躰除

根

愈風散 治一切惡風癩疾除鼻梁崩壞者不治

外其餘不問新久無不收功

淡豈豉 真輕粉 只壳 俱為末每

服一二錢五更空心糯米湯調下至早飯後稍

覺困倦欲睡不睡乃藥力搜風使然當逐下惡

物再服後鶴虱丸調理

鶴虱丸 治大麻風不拘年月以効為度

鶴虱二兩 防風一兩 地榆 麻黃去節 雄黃另研

天麻各半 右為細末醋糊為丸梧桐子大每

服三十五丸酒下日三 忌雞猪魚蒜粘滑油

臘燒炙胡椒房失能如此調養則萬全矣若初

起三五年者十全八九如縱恣無忌憚者則不

能收全功

癩瘡方

明礬末 黃蠟 新鮮土茯苓 過路珍珠草

紫背天葵根子各一兩 右為末煉化黃蠟加生

蜜糖拌搗為丸梧子大每服三十九丸米飲下

初服一日三次後只一日一次

又秘方 治大麻風癩疾

死人蛆虫洗净鋼片上焙乾為末每用一二錢
用皂角刺煎濃湯調下 若腫而有疔瘡者乃
陽明經濕熱壅盛先以防風通聖散服二三帖
然後再服此藥盖此藥有補功以皂針為引故
能達表能久服之極有神功非泛常草木可比
倫也用遭橫死者於檢屍場中問作人買之極
多不難

終